

त्स्थूणा॒मयू॒खमू॒त्रऽ॒ए॒वास्मि॒न्नेत॒दधा॒ति पश्चा॒द्दौहि॒णक॒पाले॒ ज्ञानु॒नीऽ॒ए॒वास्मि॒न्नेत॒द-
 धा॒ति ते यदे॒कक॒पाले भ॒वत ए॒कक॒पालेऽ॒इ॒व ह्री॒मे ज्ञानु॒नी पश्चा॒द्दृष्टी॒ पा॒दावे॒वा-
 स्मि॒न्नेत॒दधा॒ति पा॒दाभ्या॑ ७ हि धृ॒ष्टं प्र॒कृ॒त्युत्तर॑तः ख॒रौ प्र॒चर॑णी॒यौ तद्धि॒ तयो॒रा-
 य॒तनं॑ दक्षि॒णतो॒ मार्ज॑ली॒यं तद्धि॒ तस्या॑य॒तनम् ॥ २२ ॥ अ॒थास्मि॒न्पय॒ आ॒नय॑ति ।
 ध॒र्मे॒तत्ते॒ पुरी॑षमि॒त्यन्नं॒ वै पुरी॑षम॒न्नमे॒वास्मि॒न्नेत॒दधा॒ति ते॒न वर्ध॑स्व॒ चा च॒ प्या॒य-
 स्वेति॒ नात्र॒ तिरो॒हित॑मि॒वास्ति॒ वर्धि॑षीम॒हि च॒ वय॑मा॒ च प्या॒सिषी॑म॒हीत्या॒शिष॑मे-
 वैत॒दाशा॒स्ते ॥ २३ ॥ स॒ वै न॒ सर्व॑मि॒वान॑येत् । ने॒द्यज॑मा॒नात्प॒राग॑न्नम॒सदित्य॑र्धं॒ वा
 भू॒यो वा॒ परि॑शि॒नष्टि॒ तस्मि॑न्नप॒राह्णे॒ यज॑मा॒नाय॒ व्रत॑म॒भ्युत्ति॑स्य॒ प्रय॑हति॒ तद्य॑ज॒मा-
 नऽ॒ए॒वैत॒दन्ना॒द्यं दधा॒ति तथो॒ ह॒ यज॑मा॒नान्न॒ प॒राग॑न्नं भ॒वति ॥ २४ ॥ अ॒थैन॑म॒द्भिः
 परि॑षि॒ञ्चति॒ । शा॒न्तिर्वा॑ऽ॒आपः॒ शम॑य॒त्ये॒वैन॑मे॒तत्सर्व॑तः॒ परि॑षि॒ञ्चति॒ सर्व॑त॒ ए॒वैन॑-
 मे॒त॒ह्मय॑ति॒ त्रि॒ष्कृ॒त्वः परि॑षि॒ञ्चति॒ त्रि॒वृ॒द्धिं य॒ज्ञः ॥ २५ ॥ अ॒थाह॒ वार्षा॑ह॒र ७ सा॒म
 गा॒येति॒ । ए॒ष वै वृ॒षा ह॒रि॒र्य ए॒ष त॒प॒त्येष॒ उ प्र॒व॒र्ग्यस्त॑दे॒तमे॒वैत॑त्प्रीणा॒ति तस्मा॑-
 दा॒ह॒ वार्षा॑ह॒र ७ सा॒म गा॒येति ॥ २६ ॥ अ॒थ चा॒वाले॒ मार्ज॑यन्ते । सु॒मि॒त्रिया॒ न आ॒प
 ओष॑धयः सन्वि॒त्यञ्ज॑लि॒नाप॒ उपा॑चति॒ व॒ज्रो वा॑ऽ॒आपो॒ व॒ज्रेणै॒वैत॑न्मि॒त्रधे॒यं कुरु॑ते
 दु॒र्मि॒त्रिया॒स्तस्मै॒ सन्तु॒ योऽस्मा॑न्दे॒ष्टि यं॒ च व॒यं द्वि॑ष्म॒ इति॒ याम॑स्य॒ दि॒शं द्वे॒ष्यः
 स्या॑त्तां॒ दि॒शं प॒रासि॑ञ्चे॒त्तेनै॒व तं॒ प॒राभा॑वयति ॥ २७ ॥ अ॒थ प्रा॒डि॒वो॒दङ्ङु॒त्क्राम॑ति
 । उ॒द्वयं॒ तम॑सस्प॒रीति॒ पा॒प्मा वै त॒मः पा॒प्मान॑मे॒व तमो॑ऽप॒हृते॒ स्वः प॒श्यन्त॒ उत्त॑-
 रमि॒त्ययं॒ वै लो॒कोऽ॒द्य उत्त॑रोऽस्मि॒न्ने॒व लो॒के प्र॑ति॒तिष्ठ॑ति॒ दे॒वं दे॒वत्रा॑ सूर्यम॒गन्म॑
 ज्यो॒तिरु॑त्तममि॒ति स्व॑र्गा॒ वै लो॒कः सूर्यो॑ ज्यो॒तिरु॑त्तमः ७ स्व॒र्गऽ॒ए॒व लो॒केऽ॒न्ततः॑
 प्र॑ति॒तिष्ठ॑त्य॒नपे॑क्षमे॒त्याह॑वनी॒ये स॒मि॒धम॑भ्या॒दधा॒ति स॒मि॒दसि॒ तेजो॑ऽ॒सि ते॒जो म॑-
 पि॒ धे॒हीत्या॒शिष॑मे॒वैत॑दाशा॒स्ते ॥ २८ ॥ अ॒थ प्र॑सु॒ते दधि॑ध॒र्मेण॑ च॒रन्ति॒ । य॒ज्ञो वै सो॑-
 मः शि॒रः प्र॒व॒र्ग्यो य॒ज्ञऽ॒ए॒वैत॑हिरः॒ प्र॒ति॒दधा॒ति मा॒ध्यन्दि॑ने स॒वनऽ॒ए॒तद्वा॑ऽ॒इन्द्र॑स्य